

ANEXO II

Solicitudes denegadas para proxectos lingüísticos

-Centro: Colegio Marista Santa María.

Causas da exclusión: renuncia.

-Centro: IES Laxeiro.

Causas da exclusión: non cumpre os requisitos.

Resolución do 16 de setembro de 2003, da Dirección Xeral de Centros e Ordenación Educativa, pola que se establece o calendario para a celebración de eleccións para a constitución do consello escolar en centros de educación non universitaria de nova creación e outros.

O Decreto 92/1988, do 28 de abril, polo que se regulan os órganos de goberno dos centros públicos de ensino non universitario, modificado polo Decreto 279/1990, do 27 de abril, establece no seu artigo 29 que o procedemento de elección dos membros do consello escolar dos centros públicos se desenvolverá no primeiro trimestre do curso académico que corresponda e dentro do período lectivo, e que a data de celebración das eleccións será fixada, cun mes de antelación, pola Consellería de Educación e Ordenación Universitaria.

Os artigos 49 do Regulamento orgánico das escolas de educación infantil e dos colexios de educación primaria e do Regulamento orgánico dos institutos de educación secundaria, aprobados polos decretos 374/1996, do 17 de outubro, e 324/1996, do 26 de xullo, respectivamente, o artigo 11 do Regulamento orgánico dos centros públicos integrados de ensinanza non universitarias, aprobado polo Decreto 7/1999, do 7 de xaneiro, e o punto décimo primeiro da Orde do 28 de agosto de 1996, pola que se regula o procedemento de elección dos órganos de goberno dos centros privados concertados, establecen que a elección do consello escolar e a súa constitución nos centros de nova creación se efectuará no mes de outubro, e que a primeira renovación do consello escolar se producirá ó cabo dun ano ou dous de maneira que coincida coa renovación do resto dos consellos escolares no ámbito da Comunidade Autónoma.

Dado que no derradeiro trimestre do ano 2002 correspondeu a renovación de tódolos consellos escolares no ámbito da Comunidade Autónoma, no presente ano é preciso proceder á constitución do consello escolar por primeira vez nos centros creados con posterioridade á citada renovación, ó tempo que se regulariza a situación daqueles centros que, por razóns de diversa índole, non realizasen as eleccións no citado proceso do ano 2002.

Tendo en conta que na disposición transitoria quinta da Lei orgánica 10/2002, do 23 de decembro, de calidade da educación (LOCE) establécese que nas materias respecto das que esta lei remite a regu-

lación a posteriores disposicións regulamentarias, e en tanto estas non sexan dictadas, serán de aplicación, en cada caso, as normas deste rango ata agora vixentes e que o establecido nos puntos 1º e 2º do artigo 81 da LOCE, referido ó consello escolar, non contradí a normativa anteriormente citada e os puntos 4º, 5º, 6º e 7º do devandito artigo remiten a posteriores disposicións aínda non dictadas, son de aplicación tódalas normas citadas nos parágrafos anteriores coa única excepción, derivada do establecido no punto 3 do artigo 81 da LOCE, pola que só poderán ser elixidos membros do consello escolar os alumnos a partir do terceiro curso da educación secundaria obrigatoria, sempre e cando non fosen sancionados por condutas gravemente prexudiciais para a convivencia do centro durante o curso en que teña lugar a celebración das eleccións.

En virtude de todo o anterior, esta dirección xeral

RESOLVE:**Artigo 1º**

As eleccións para a primeira constitución do consello escolar nos centros docentes non universitarios sostidos con fondos públicos, que iniciaron o seu funcionamento no curso 2003/2004, celebraranse entre os días 24 e 31 de outubro de 2003, ámbolos dous incluídos, de acordo co establecido:

a) Para os centros de educación infantil, primaria e secundaria, na orde desta consellería do 21 de outubro de 1996 (DOG do 22 de outubro).

b) Para os centros públicos integrados, no artigo 11 do Decreto 7/1999, do 7 de xaneiro (DOG do 26 de xaneiro).

c) Para os centros públicos de ensino non universitario de características singulares, de educación especial e de educación de adultos, na orde desta consellería do 29 de outubro de 1996 (DOG do 4 de novembro), corrección de erros DOG do 15 de novembro.

Artigo 2º

1. A xunta electoral regulada no artigo 30 do Decreto 92/1988, do 28 de abril, segundo a nova redacción dada polo Decreto 324/1996, do 26 de xullo, polo que se aproba o regulamento orgánico dos institutos de educación secundaria, constituirase entre os días 1 e 3 de outubro de 2003.

2. De conformidade co establecido no artigo 31 b) do Decreto 92/1988, do 28 de abril, é competencia da xunta electoral concreta-lo calendario electoral. As xuntas electorais terán presente, en todo caso, que o prazo de admisión de candidatos non deberá ser inferior a sete días naturais.

Artigo 3º

Ós membros integrantes da xunta electoral, das mesas electorais e ós electores que necesiten permiso laboral para o desempeño das súas obrigas seralles de aplicación o artigo 70.2º da Lei 4/1988, do 26 de maio (DOG do 1 de xuño), da función pública

de Galicia. Non obstante, os días en que se celebren as eleccións de representantes dos distintos sectores da comunidade educativa non poderán ser declarados non lectivos.

Artigo 4º

No que respecta á elección de representantes dos alumnos deberase ter en conta o establecido no artigo 81.3º da Lei orgánica 10/2002, do 23 de decembro, de calidade da educación.

Artigo 5º

A primeira renovación do consello escolar dos centros ós que se refire o artigo 1º desta resolución producírase no ano 2004, coincidindo coa renovación do resto dos consellos escolares no ámbito da Comunidade Autónoma, de conformidade co establecido nos artigos 49 do Regulamento orgánico das escolas de educación infantil e dos colexios de educación primaria e do Regulamento orgánico dos institutos de educación secundaria, aprobados polos decretos 374/1996, do 17 de outubro, e 324/1996, do 26 de xullo, respectivamente, no artigo 11 do regulamento orgánico dos centros públicos integrados de ensinanzas non universitarias, aprobado polo Decreto 7/1999, do 7 de xaneiro, e no punto 11.2º da orde desta consellería do 28 de agosto de 1996 (DOG do 26 de setembro).

Disposicións adicionais

Primeira.-Os centros que, na convocatoria do mes de novembro de 2002, deberían ter realizada a primeira constitución ou renovación parcial do consello escolar, segundo procedese, e que, por calquera circunstancia, non o fixesen, deberán regularizala súa situación e, para tal fin, levarán a cabo o proceso electoral de acordo co calendario e normas previstos nesta resolución.

Segunda.

1. Nos centros, ós que se refire a disposición adicional anterior, regulados polos decretos 374/1996 e 324/1996, para determinar, se é o caso, os membros do consello escolar que deben ser renovados terase en conta o establecido no punto 1º da disposición adicional terceira do Decreto 7/1999, do 7 de xaneiro, polo que se implantan e regulan os centros públicos integrados de ensinanzas non universitarias, que modifica o artigo 40 do Regulamento orgánico dos institutos de educación secundaria e o artigo 41 do Regulamento orgánico das escolas de educación infantil e dos colexios de educación primaria.

2. Os centros en cada renovación parcial modificarán o número de membros do consello escolar en función do número de unidades que teñan nese momento.

Terceira.-A renovación do consello escolar nos centros ós que se refire a disposición adicional primeira producírase no ano 2004, coincidindo coa renovación do resto dos consellos escolares no ámbito da Comunidade Autónoma, de conformidade co

establecido nos artigos 49 do Regulamento orgánico das escolas de educación infantil e dos colexios de educación primaria e do Regulamento orgánico dos institutos de educación secundaria, aprobados polos decretos 374/1996, do 17 de outubro, e 324/1996, do 26 de xullo, respectivamente; no artigo 11 do Regulamento orgánico dos centros públicos integrados de ensinanzas non universitarias, aprobado polo Decreto 7/1999, do 7 de xaneiro, e no punto 11.2º da orde desta consellería do 28 de agosto de 1996 (DOG do 26 de setembro).

Disposición derradeira

Esta resolución entrará en vigor o mesmo día da súa publicación no *Diario Oficial de Galicia*.

Santiago de Compostela, 16 de setembro de 2003.

Alberto González Armesto

Director xeral de Centros e Ordenación Educativa

CONSELLERÍA DE SANIDADE

Decreto 352/2003, do 11 de setembro, polo que se acepta a doazón feita pola Fundación Marcelino Botín en favor do Servicio Galego de Saúde dun acelerador lineal Meavatron Plus, con destino ó Complexo Hospitalario Universitario de Santiago de Compostela.

A *Fundación Marcelino Botín* doa un acelerador lineal Meavatron Plus, con control dixital de radiocirurxía e radioterapia estereotáxica, en favor do Servicio Galego de Saúde con destino ó Complexo Hospitalario Universitario de Santiago de Compostela.

Conforme o artigo 17.1º da Lei 3/1985, do 12 de abril, do patrimonio da Comunidade Autónoma, requírese decreto do Consello da Xunta de Galicia para a adquisición de bens a título gratuito.

En cumprimento do disposto na Lei 3/1985, do 12 de abril, do patrimonio da Comunidade Autónoma, de conformidade coa proposta do conselleiro de Sanidade e presidente do Servicio Galego de Saúde, e logo de deliberación do Consello da Xunta de Galicia na súa reunión do día once de setembro de dous mil tres,

DISPOÑO:

Artigo 1º

Acéptase a doazón dun acelerador lineal Meavatron Plus, con control dixital de radiocirurxía e radioterapia estereotáxica.

Artigo 2º

O devandito acelerador acéptase segundo o establecido na normativa en materia patrimonial da Comunidade Autónoma e destinarase ó Complexo Hospitalario Universitario de Santiago de Compostela.